

27.02.2014
05.03.2014
GA 2. Klasse

 SPECIMEN



Stedtlischiisser Solothurn
Gegründet 1983
facebook.com/Stedtlischiisser

THE INTERSHITTY EXPERIENCE



GA
GA

M
27022014
SOL111



Bahnverkehr: In The Ghetto

Hocksch ir Isebahn ...

«Was?! Wo!? Isch no frei? Isch do no Platz? Cha ig abhocke?»

Stohsch ir Isebahn...

Bisch i Zug ine g'ellböglet wie dr Blitz
Doch für d Chatz, s het wider ke freie Sitz.

Bisch im Ghetto!

Do het s no Platz!! Hocksch ab. Doch dasch nid so gschid,
Will uf däm Sitz im Nochber si Rehpinscher lit.

Bisch im Ghetto!

*Das Zugteam der SBB begrüsst Sie im Intershitty nach
Damaskus, Ouagadougou, Pyöngyang. Nächster Halt:
Grenchen.*

Alles schweisselet...

Dä näb dir het e drü-Meter-Chnoblach-Fahne

Dä vis à vis furzt fridlech vor sich ane

Bisch im Ghetto!

Grifsch zum Telefon, fohsch mit eme Chund

*The train team of the SBB welcomes you in the intershitty
and wishes you a pleasant journey. Make your journey a real
shitty adventure and visit our waggon-restaurant in the
middle of the train.*

Grifsch zum Telefon, fohsch mit eme Chund

*Le team d'accompagnement des CFF vous souhaite la
bienvenue dans cet intershitty et un agréable voyage.
Veuillez utiliser les toilettes du côté droit dans le sens du
marche du train.*

Grifsch zum Telefon, fohsch mit eme Chund a schnore
Zisch, Knack, Funkloch: Verbindig verlore!

Bisch im Ghetto

Dini Sitzig isch z Gänf. Dä söll emol fahre!

Jetzt haltet dä tatsächlech z Gränche ar Aare –
Jetzt bisch im Ghetto!!

*Geschätzte Fahrgäste: Unser Zug ist stehen geblieben.
Grund dafür ist eine unbekannte Peinlichkeit.
Wir bitten um ihr Verständnis.*

*Dear passengers: Our train has stopped. The reason
is Walter Wobmann. We are sorry.*

Wenn goht s witer? Dasch öppis wo niemer weiss.
Aha! Lueg, dör vorne baue si s Gleis!

Bisch im Ghetto!

Du muesch öppis z Ässe ha.

Gohsch is Waggon-Restaurant.

Jetzt läbsch gfährlech, will die Beiz wär gschider zue!

Au wenn nid Gourmet bisch
Hesch dör inn e schwäre Stand.

Muesch nur zur Charte griiffe,
Scho hesch Ranzepfiiffe –
Sälber tschuld! Friss jetzt und gib Rueh!

De chunnt dr Kondukteur.
Wohär sött i ächt jetzt es Billet ha, vo wo?!

Am Billet-Automat isch es Kafi use cho!
Bisch im Ghetto!

Und di Zug steckt fescht, wäg ere weiche Weiche,
S WC isch defekt und Du söttstsch go... schaffe.

Bisch im Ghetto!

Sänk yuu for träweling with ShitBB!

Melodie: Elvis Presley, In The Ghetto



Bätscheler

I bi dr Bätscheler

Und i staggele e chli.

I bi ne hübsche, geile Bätscheler.

Ha gäng paar geili Chicks derbi.

Und i nime d Froue so wie si si.

Und si si jo no vil dümmmer als i.

Und das isch eso romaaantisch!

Und morn am Morge verbi.

I bi es Bibeli.

Bi chli doof und ha ne Knall.

Will, mi IQ isch drum nume chli.

I füehl mi wohl im Hüenerstall.

Und i nime d Güggel so wie si si.

Dr Vujo seit mir i heig sehr schöni Bei.

Und das isch eso romaaantisch!

Und morn flügsch du uf Gränche hei.

Melodie: Patent Ochnser, Gummiboum



Zur Leinenstube Solothurn



I. Schneeberger, Marktplatz 47, 4500 Solothurn



Fährverbot

Ar Aare gilt Fährverbot. Höchsch-Alarmstufe! Dr Gomm gseht Dis Läbe in Gfohr.

Die Fähri chönnt jedi Minute absuuffe! Und das scho sit föifedriissg Johr.

Saniere sig mögliche, würd nid mol vil choschte.

Me müess ufbloosni Fläsche is Zwüschedeck moschte!

Die Lösig, die gfallt üs. Me chönnt sogar spare!


Dr Buur chönnt uf d Insle und d Fähri chönnt fahre:

Drum füllet die Hohlrüüm zu hundert Prozänt

Mit em Gomm und paar Lüt vo sim Departemänt!

Melodie: Reinhard Mey, Diplomatenjagd





Bon Pour Le Moral

Bisch du in Russland schwul
Denn isch das nid so cool
Dr Putin isch e herte Siech
Und wott kei Sündepfuhl

Refr.:

C'est bon pour le moral, C'est bon pour le moral
C'est bon pour le moral, C'est bon pour le moral

Dr Bischof, dä vo Chur
lit ir Chilche uf dr Luur
Wenn är e Gschidni findt, wo d Pille nimmt
Denn treit die nächhär Truur!

Refr.:

Und d Alice Schwarzer wott
Proschtitutionsverbott
Wenn eine für e Sex tuet zahle
Ghör' är ufs Schafott!

Refr.:

Doch üs dunkt das halt schad
D Realität isch fad!
Stellet Euch vor – es isch nid schwär – wie schön wens anders wär:
Dr Huonder hätt e Schatz
Und zwar e Super Chatz
Si schmuse und si chüderle ir Nöchi Limmatplatz
Dr Putin sig nümm Chef
I d Chischte müess dä Möff
Er heigi drumm es Gschleipf aagfange mid sim Medwedjew
Dr Hollande liess s lo si
Wäg Viagra-Allergie
Si Töff dä bluub im Elysee – adieu Julie!
Doch freuet euch nid z früeh!
So Züg passiert jo nie.
Das si nur hoffnigslosi Tröim, so öppis wär jo wie ...
wenn d Alice Schwarzer die
würd Stüüre hinderzieh
und s Schwarzgäld i dr Schwiz versteckti!... Das wär weisch wie...

Refr.: BON pour le moral...C'est bon!

Melodie: La Compagnie Créole, C'est Bon Pour Le Moral



Alle tun es

Dr Sepp isch es. Dr Georges isch es.
Jedes Bauprojekt in Morges isch es.
Forsch isch es! -- -- -- Bis doch au mol korrupt!
Weisch, jede Scheich isch es, jede Russ isch es.
Jedes Huerli vor em Kuss isch es.
Gnuss isch es! -- -- -- Bis doch au mol korrupt!
Nie wirdsch diräkter Diräkter, als mit paar chline Gschänk!
Muesch ohni Lüge überzüge -- -- -- mit Gratis-Ferie dank!
Dr Prokurischt isch es. Dr Agänt isch es.
Und di VR-Presidänt isch es.
Patänt isch es! -- -- -- Bis doch au mol korrupt!
Ohni Müei bisch es. Ohni Stress bisch es.
Jede Schurni vo dr Press isch es.
Kess isch es! -- -- -- Bis doch au mol korrupt!
Gratis Tickets gits! Gäld gits!
Schöni Reise rund um d Wält gits!
Höchi Ghälter gits! -- -- -- Bis doch au mol korrupt!
Hesch gli es Chalet im Valais – wenn e dicke Uftrag chunnt
Chasch vil go poschte, ohni Choschte. Für öppis schafftsch jo bim Bund!
Jetz gib Gas, bis es! Es macht Spass, bis es!
S git e hübsche Stüürerlass, bis es
Krass, isch es! -- -- -- Bis doch au mol korrupt!

OK! I makes! Aber:

Jetz git s de Tschuttmätsch i dr Wüeschi und Schirönne am Meer,
de chunnt doch alles us?!

Äuä, gohts no! Das isch dank nur Wirtschaftsförderig! D Araber chöi dank
au tschutte! Jetz tüet doch nid so blöd wäge dere Milliarde...

Melodie: Hildegard Knef, Sei mal verliebt



Zu Büroschtunde

Mir händ die bescht Armee vor Wält
Und das erscht no für wenig Gäld.
Au d Flüger flüge lang und wit,
Vorusgesetzt es isch Büroziit.


Drum wüsse alli Aggressore
Mir meines Ärnst, grad wie ne More.
Wottsch en Aagriff vor de Achte starte,
De heisst bi üs: «Jetz muesch halt warte!»

Au wär nach de föife attackiert
Dä wird vo üs schlicht ignoriert.
Und nur die gröschte Kampfbanause
Missachte üsi Mittagspause.

Mit Schalterstunde, churze klare,
chasch d Helfti vo de Chöschte spare.
He jo statt znacht go Schichte schiebe
Chasch für d Fasnacht dichte üebe.

Die Massnahm sig so genial
Me plan se jetz au fürs Spital.
Als Hätzinfarkt wirdsch nur no gno
Wenn zwüsche 8 und 12 chasch cho.

Melodie: Trad.



Wisseschtei

Jetz isch's so wit, mir hei für die Eröffnig alls parat
Und d Gescht chöi denn zu tuusige beschtuune s Resultat.
Die Betroffene und dr Räscht hei ihri Aschprüch formuliert.
Und demokratisch het me alls i d Lösig ine integriert.

Bir Velo-Downhill-Strecki stimmt für d BfU dr Groove,
doch abwärts sigs vil z gfährlech, Downhill göngi nur bärguuf.
Dr Velolärm stör d Murmeli, het d Pro Natura brichtet.
Drum müessi Downhill dinne si – do het me druuf verzichtet.

Die Schlittelstrooss dr Bärg durab isch ächt en Attraktion.
Au d Buure ufem Bärg gseh das so ire Petition.
Doch müess die Stroos gäng schneefrei sii, dass d Milch chasch transportiere.
Doch gäg s Schlittle zwüsche Mai und Juni gubs nüt z reklamiere.

Dr Spilplatz muess nach Heimatschutz si wie vor hundert Jahr:
Ke Loki und kes Auto nur zwee Bauchlötz und es Rohr.
Und d Rutschbahn muess nach Pro Infirmis rollstuelgängig sii...
Dir gseht: S chunnt Guet uf üsem Bärg – und zwar mit Garantie!

Melodie: Mani Matter, Si Hei Dr Wilhalm Täll Ufgfuehrt

